



Ponuda sistema za prijavu položaja
policijske kontrole

LOREM IPSUM



Poštovani,

Nakon što smo se bolje se upoznali sa Vašim željama, zahtjevima i izvrsnoj ideji, naša kompanija, Lorem Ipsum, Vam nudi sistem koji omogućava prijavu položaja policijske kontrole.

Sudeći po zahtjevima, koje smo međusobnim dogovorom i razgovorom jasno obrazložili, uočili smo da Vam je cilj da se željeni sistem pravi u svrhu društvene koristi, te na taj način olakšanja svakodnevnog života korisnicima ovog sistema. Softversko rješenje koji mi nudimo je veoma **jednostavno za korištenje**, bez velikog udjela kontrola i funkcionalnosti. Razlog tome je činjenica da će aplikaciju koristiti različiti profili korisnika. Pored toga jasno je da se sistem u najvećem slučaju koristi tokom održavanja saobraćaja, što ne treba korisniku dugo odvlačiti pažnju suvišnim i komplikovanim funkcionalnostima aplikacije.

Pored toga, dodatne i osnovne karakteristike koje sistem posjeduje su:

- Mogućnost prijave lokacije, odnosno pozicije policijske kontrole/patrole/radara u bilo kojem trenutku.
- Mogućnost automatskog dodavanja/označavanja pozicije, bez unosa konkretne lokacije.
- Mogućnost pregleda prijavljenih lokacija, ali samo onih koje su u bližem okruženju korisnika, tačnije poštivanje odgovarajućeg opsega u kojem korisnik vidi prijavljenje kontrole.
- Mogućnost prijave da je policijska kontrola napustila lokaciju.
- Mogućnost, koja je i primarna za ovu svrhu, da se aplikacija koristi na mobilnim uređajima.
- Mogućnost dodavanja komentara od strane korisnika, što nije obavezno.
- Korištenje ove vrste sistema je **zakonski legalno**, što je utvrđeno nakon konsultacija sa našim timom pravnika. Sistem služi isključivo kao sredstvo za dijeljenje informacija među korisnicima.
- Učestalo **ažuriranje informacija**, bez zastarjelih podataka.

Kao i svaki drugi sistem, pa tako i ovaj, potrebno je da posjeduje **visok nivo sigurnosti i pouzdanosti**. To podrazumijeva da, u ovom konkretnom slučaju, postoji način na koji se mogu regulisati, odnosno ograničiti lažne informacije, tj. dojave lokacije policijske kontrole. Shodno tome i rješenje problema lažnih prijava da je policijska patrola napustila lokaciju. Naš sistem pruža mogućnost klasifikacije korisnika po njihovom nivou pouzdanosti s obzirom na to kakve su informacije davali tokom korištenja aplikacije. Ukoliko postoji veći broj prijava (3 ili više) određene lokacije, onda se ta prijava smatra validnom, bilo da se radi o prisutnosti ili odlasku

policijske patrole. Na taj način će se ukloniti zlonamjerni korisnici. Garantujemo Vam sigurnost, pouzdanost, ispravnost i konzistentnost podataka.

Naš sistem podržava sljedeće segmente prijava i praćenja policijskih kontrola:

1. Prikaz policijskih kontrola

Ovaj modul pruža:

- 1.1. Jednostavan pregled lokacija policijskih kontrola u blizini korisnika.
- 1.2. Prikaz svih kontrola na način da su sve jednako važne za korisnika, bez sakrivanja određenih kontrola.
- 1.3. Prikaz područja koje je relevantno za korisnika, određeno njegovom trenutnom lokacijom, što sprečava opterećenje nepotrebnim informacijama - podrazumijeva se dovoljno veliko područje da se obezbijedi dobra informisanost korisnika kao i prioritizacija kontrola na osnovu njihove udaljenosti od korisnika.
- 1.4. Posebno naglašen prikaz za specijalne policijske kontrole, jasna distinkcija između redovnih i specijalnih kontrola.
- 1.5. Pokrivenost područja grada Sarajeva sa mogućnošću eventualnog proširenja na ostala područja.
- 1.6. Obezbijeđen prikaz aktuelnih informacija bez zastarijevanja istih.
- 1.7. Korisnik može ostaviti napomenu u vidu komentara: koliko je zadržavanje na određenoj lokaciji, šta se kontroliše i slično.

2. Prikaz policijskih radara

Ovaj modul pruža:

- 2.1. Jednostavan pregled lokacija policijskih radara u blizini korisnika.
- 2.2. Prikaz svih radara na način da su svi jednako važni za korisnika, bez sakrivanja određenih radara.
- 2.3. Prikaz područja koje je relevantno za korisnika, određeno njegovom trenutnom lokacijom što sprečava opterećenje nepotrebnim informacijama - podrazumijeva se dovoljno veliko područje da se obezbijedi dobra informisanost korisnika kao i prioritizacija radara na osnovu njihove udaljenosti od korisnika.
- 2.4. Posebno naglašen prikaz radara u odnosu na policijske kontrole, jasna distinkcija između to dvoje kako ne bi došlo do zabune korisnika.
- 2.5. Pokrivenost područja grada Sarajeva sa mogućnosti eventualnog proširenja na ostala područja.

- 2.6. Obezbijeđen prikaz aktualnih informacija bez zastarijevanja istih.

3. **Prijava policijskih kontrola**

Ovaj modul pruža:

- 3.1. Jednostavna prijava policijske kontrole u najviše dva do tri koraka.
- 3.2. Korisnik može označiti da li je u pitanju redovna ili specijalna policijska kontrola u jednom koraku (jednostavnim odabirom jedne od ponuđenih opcija).
- 3.3. Korisnik može ostaviti napomenu u vidu komentara: koliko je zadržavanje na toj lokaciji, šta se kontroliše i slično.
- 3.4. Obezbijeđen automatski unos lokacije prilikom prijave, korisnik oslobođen ručnog unosa lokacije zahvaljujući praćenju lokacije korisnika.

4. **Prijava policijskih radara**

Ovaj modul pruža:

- 4.1. Jednostavna prijava policijskog radara u najviše dva do tri koraka.
- 4.2. Obezbijeđen automatski unos lokacije prilikom prijave, korisnik oslobođen ručnog unosa lokacije zahvaljujući praćenju lokacije korisnika

5. **Prijava odsutnosti policijske kontrole**

Ovaj modul pruža:

- 5.1. Jednostavna prijava odsustva policijske kontrole u najviše dva do tri koraka.

6. **Prijava odsutnosti policijskog radara**

Ovaj modul pruža:

- 6.1. Jednostavna prijava odsustva policijskog radara u najviše dva do tri koraka.

7. **Praćenje i nadzor sistema**

Ovaj modul pruža:

- 7.1. Postoji super-administrator koji ima mogućnost dodavanja novih administratora kao i uklanjanja postojećih administratora. Osim ove, ne postoji više razlika između administratora.
- 7.2. Jednostavna prijava i odjava administratora i super-administratora.

- 7.3. Obezbijeđena validacija prijava- samo na osnovu većeg broja (3 ili više) prijava pouzdanih korisnika se zaključuje da je prijava validna.
- 7.4. Prijave odsustva se automatski uvažavaju kada dosegnu određeni broj (3 ili više).
- 7.5. Administrator ima mogućnost da direktno postavi oznaku za policijsku kontrolu ili radar.
- 7.6. Administrator ima mogućnost da direktno skine oznaku za policijsku kontrolu ili radar.
- 7.7. Administrator je zadužen da spriječi zlonamjerne korisnike koji šalju lažne prijave i odjave, na način da takve korisnike blokira do daljnjeg.

Zašto Lorem Ipsum?

Posjedujete ideju za sistem koji je društveno koristan i može unaprijediti mnoge aspekte ljudskih života? U potrazi ste za potencijalnim poslovnim partnerom koji će Vam pomoći da realizirate Vaše ideje? Sigurni smo da ćete odgovore na pitanja pronaći upravo u ovom materijalu, a primarni odgovor smo mi, **Lorem Ipsum**.

Ko smo mi? Lorem Ipsum, kao IT kompanija, postoji još od 2000. godine. Nesumnjivo, već 17 godina nižemo poslovne uspjehe u sferi razvoja različitih softverskih rješenja. Odras našeg napretka i uspjeha su brojni projekti na kojima je naša kompanija izgradila dugogodišnje iskustvo.

Naš osnovni cilj je zadovoljstvo naših klijenata. Postoji li bolja reklama od klijenata koji su stekli naše povjerenje, a zauzvrat dobili zadovoljstvo, uspjeh i kvalitetan softverski proizvod? **Sigurnost klijenata**, njihovo **povjerenje**, **poštivanje ugovorenih rokova**, **potpuna podrška** i **dogovor** sa klijentima su samo neki od naših aduta.

Pored svega navedenog, ključ uspjeha se krije i u korištenju naprednih tehnologija, kao i primjeni aktuelnih svjetskih standarda. Iskustvo i znanje uposlenika kompanije Lorem Ipsum temelji se na konstantnom usvajanju i unapređivanju novih znanja, vještina i trendova u IT svijetu.

Ukratko, zajedno sa prethodno navedenim, osiguravamo i:

- Potpunu podršku, pomoć i besplatnu ugradnju sistema
- Konsultovanje sa klijentima i pomoć u izgradnji i realizaciji zahtjeva i želja klijenata
- Neograničena online i telefonska podrška bez obzira na vrijeme i mjesto
- Mogućnost rješavanja problema i grešaka u što kraćem roku
- Proširivost, fleksibilnost i lahka održivost

Ono što svakako ne smijemo zaboraviti je činjenica da je veliki dio našeg iskustva vezan za razvoj softvera koji su društveno korisni. Konkretno, radi se o sistemima koje se baziraju na praćenju odgovarajućih lokacija, tačnije olakšanoj orijentaciji u prostoru i okruženju. Sistem za praćenje položaja policijske kontrole je idealna prilika da primijenimo jednostavnost, praktičnost i prilagodljivost.

Cijena softvera: 7500 KM

Garancija: 3 godine

Vrijeme realizacije projekta: 3 mjeseca

Lorem Ipsum nije samo softverska kompanija. Mi zapravo nastojimo da unesemo promjene u Vaše živote i da doprinesemo razvoju kvalitetnih rješenja. **Vi stvarate ideje, a naš zadatak je njihova uspješna realizacija**. Veliko nam je zadovoljstvo da istaknemo uspješnu saradnju sa klijentima poput **GRAS**, **Centrotrans** te **općine Stari Grad**, **Centar** i **Novi Grad**. Shodno tome, iskreno se nadamo da će Vaš izbor biti kompanija Lorem Ipsum te da nam na taj način pružite Vaše povjerenje, a uz to ćete se nesumnjivo uvjeriti u kvalitet naših usluga.